

WIE WANN Text und Musik: Bernhard Hotz

Mir benemma uns, wie wonn ma uf da Weld alloi doo wära. Mir dunna soo, wie wann uns alles g'heera dääd. Mir erkläre alles, wie wann ma's wirklich wissa dääda. Schmeissa unsa Theorie imma widda um. Denka nedd an'd Arma, denka nedd an'd Schwacha. Die Gedonka stehn alloi for da Profit. Mir handla monchmool so, wie wann mir koi Menscha wära. Wass mit unsara Kinna bassiert, isch uns egal.

Wann dess so weida geht, wu fiehrt uns des bloos noh, soll dess unsa Zukunft sei, soll dess unsa Zukunft sei, oooh, wann dess nedd onnarsch werd, saag I eich gonz klar, dass geschdern unnsa Zukunft war, dass geschdern unnsa Zukunft war

Mir beidle sie aus, die Mitmenscha uff da gonza Weld. Reiche bestimma da Markt, sogar da Preis. Mir nemma uns ricksichtslos, was mir grad braucha kenna, s'Recht vun da Starke setzt sich weltweit wida radikal durch. Mir denka blos an uns, ans fressa unn ans saufa, un schlucka sogar die Pill for da Luschdgewinn. Wie's da onara dobei geht, des juckt uns wirklich ned, wass mit unsra Umwelt bassiert des isch scheißegal.

Mir fiehra uns uff, wie wann ma ewich läwa dääda, verbedoniera Äcka, Wissa un da Wald. Produziera atomara Müll, wu noch daused Joar strahlt, machas Ozonloch jedes Joar hemmungslos greesa. Mir denka ned an die wu späda noch uns kumma, nach uns die Sintflut mir danza uffm Vulkan. Wie solla ma lewa, wann alles total vasaut isch, unn uff da gonza Weld die Viecha un Pflonza ausg'rott sinn.